

SPORAZUM O SARADNJI

Agencije za državnu službu Federacije Bosne i Hercegovine
i
Centra za istraživanje politike suprotstavljanja kriminalitetu

Zaključen u Sarajevu, 19.03.2013. godine između:

Agencije za državnu službu Federacije Bosne i Hercegovine, ul. Hamdije Kreševljakovića
19/IV, Sarajevo, koju zastupa mr.sc. Sead Maslo, direktor

i
Centra za istraživanje politika suprotstavljanja kriminalitetu, ul. Čekaluša 66, kojeg
zastupa dr.sc. Darko Datzler, direktor

U daljnjem tekstu: "Potpisnici", sporazumjeli su se o sljedećem:

Član 1.

Predmet Sporazuma je međusobna saradnja Potpisnika na unaprijeđenju programa obuke iz oblasti borbe protiv korupcije, u skladu sa realizacijom aktivnosti broj 22 iz Općeg plana Vlade Federacije Bosne i Hercegovine o borbi protiv korupcije.

Član 2.

Cilj saradnje iz člana 1. ovog sporazuma je zajednička koordinacija na uspostavi i implementaciji programa obuke za borbu protiv korupcije.

Član 3.

Aktivnosti za ostvarivanje saradnje iz člana 1. ovog sporazuma podrazumijevaju:

- a) izradu plana i programa obuka iz oblasti borbe protiv korupcije za 2013. i 2014. godinu
- b) izvođenje obuka po modulima u trajanju od osam nastavnih sati u toku radnog vremena kako slijedi:

Programi obuke za 2013. godinu:

- Pojam i pojavni oblici korupcije
- Antikorupcijski planovi kao instrumenti borbe protiv korupcije
- Mogućnosti i obaveze rukovodećeg državnog službenika u prevenciji i suzbijanju korupcije
- Nacrti integriteta i testovi integriteta
- Transparentnost javne službe i odnosi sa javnošću

Programi obuke za 2014. godinu:

- Procjena oblasti i radnih mjesta u pogledu rizika za korupciju
- Organizacijska kultura, profesionalizam i integritet javne službe

Član 4.

Aktivnosti iz člana 3. stav a) realizovat će Agencija za državnu službu Federacije Bosne i Hercegovine u saradnji sa Centrom za istraživanje politike suprotstavljanja kriminalitetu.

Aktivnosti iz člana 3. stav b) realizovat će eksperti angažirani i finansirani od strane Centra za istraživanje politika suprotstavljanja kriminalitetu, uz logističku podršku Agencije za državnu službu Federacije Bosne i Hercegovine koja obuhvata obezbjeđenje prostora, tehničkih pomagala i izradu certifikata za polaznike obuke.

Član 5.

Sporazum stupa na snagu danom njegovog potpisivanja od strane ovlaštenih lica Potpisnika.

Član 6.

Izmjene i dopune Sporazuma, vrše se na osnovu međusobnog dogovora, na način i po postupku za njegovo zaključivanje.

Član 7.

Sporazum je sačinjen u 4 (četiri) istovjetna primjerka, od kojih Potpisnici zadržavaju po 2 (dva) primjerka.

mr.sc. Sead Maslo, direktor
Agencije za državnu službu FBIH

Broj: 01-34-4-108/13
Sarajevo, 14.03.2013. godine

dr.sc. Darko Datzer, direktor
Centra za istraživanje politike
suprotstavljanja kriminalitetu

Broj: 02-01/004/13
Sarajevo, 19.03.2013. godine